

Kavamatkunnin Tuhagtitaujukhaq

Itqaumajakhat: Nunap-ikualaarnianin ihiriaq ukunani Nunavunmi nunallaani

Aulaqtirvikhaa Ublua: June 3, 2024
Nutqarvikhaa Ublua: Saptaipa 30, 2024
Nunavut-tamaat

90 sec

Aanniaqtailinirmut Havagvia itqaumaqutait Nunavunmiut nunallaat tamaani Kanadami aturaanginnaqtuq nunaup-ikualarnianin ihirianik huli piqangitkaluaqhuni ikualaaqtuni haniani. Una niriuktauuq aularaanginnarlutni taimaatun Kanadaup aallanguqtiliqtuq hilaa pidjutingmat ihuaqtunik qanurinninginnik amigaiqjuummigtunik nunami-ikualarnirnik hivitutqianiklu nunami-ikualarutainnik. Ilaujun ukununga humiittuni ikualaaqtuni, aallat qanuridjutit imaakiaq humin anuqhirutaanin kajumiktilaanganillu pidjutittaaqtun kitunun nunallaanun nunap-ikualaarutaanin ihiriamik. Hapkuat qanurinniit aallanguqtaaqtullu qilamik.

Piqangittuq tadjja anurikkut qanurinningani ihumaalutaujuni Nunavunmi, kihimi, ihirialaqipat, akturniit ijaiqhinaqhittaaqtuq, aniqhaaktariami ajurnaqhijuummiqtaaqtuq, ingattaqtijuummiqtirlugillu uummallirutin puvaklungnikkullu aanniarutit. Inuit qajangnaqtun aallani aanniaqtailinirmut hulaqutidjutini ilaujunaq hapkuat Inirnikhat, hingaijat, nutaqqat, inuillu pilgit hivuagun-ittunik aniqhaaktarnirnun uummatikkullu qanurudjutainni.

Mikhilaaqtiqtaaqtat akturniit ihirianun hulirjuahuiqlutin hilami itiqhimalutinllu igalaat ukkuallu ukuaqghimalugin ihirialaqqipat.

Munarittiagtaagtat iglumi iluani ikianga imailiurlutin:

- Igalaatin ukkuatillu ukkuuqhimalugin. Hailihimakpat ihariagijaukpalluunniit, anuqhiqtuutit ikajuutaujaaqtun niglaumajaami.
- Atuqlutin ilikkuuqtumik iglum iluani ikiangani halummaqhidjutimik hailihimakpat.
- Ilaliutihuirugin iglum iluani halumairutinik taimaatun ikitiqhugin ikummatit aallanikluunniit hunaujunik.
- Atugattaruiqlugu aniaqtug anuqhiqtuuti igangitkuvin.

Kinalu minghinaqhijuuq aallanguqtiirnirmik uvani qajangnatqijaujuni naunaitkutiniik
imaatun hatqami ulurianarniq naiklijuqluunniit aniqhaaktuutit munaqhiliaqtukhat qilamik.

Kangiqhittiarutikhanun mighaagun [Ikiap Qanurinnianik Aanniaqtailinirmut Naunaitkutaanik](#), takulugu Kanadaup Kavamangani qaritaujakkuurutaa.

###

Tuhaqtipkainikkut Uqarvigijakhaq:

Pam Coulter
Atan'ngujauullaktuq Tuhaqtipkaiijini
Aanniaqtailinirmut Havagvia
867-975-5949
Pcoulter@gov.nu.ca

P'dDΔ°a°m° dYsYΔ° <DΔ°aΔ° Δm°N°D°, °b°-°a°N°D° ΔmΔ°a°°D° °ΔΔ°N°D°-° °&° www.gov.nu.ca.
Public Service Announcements are available in Inuktitut, English, Inuinnaqtun and French on www.gov.nu.ca.
Kavamatkunnin Tuhaqtitaujukhat hailihimajun Inuktitut, Qablunaatun, Inuinnaqtun Uuiutullu uvani www.gov.nu.ca.
Les messages d'intérêt public sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtipkaiijit